

以建昌道梗命雲南試官如壬午科例聽巡按徵辟前遣官
還京

戊子 上御皇極殿遣使各藩冊榮府仁和王由梧成寧王
由榕惠安王常澍周府奉新王肅滋代府吉陽王鼎金

己丑吏科都給事中魏大中等劾忠賢種、罪案 皇上
引為親裁種、逆狀代為分割即楊漣疏列風聞之事及懷
冲太子何以不肯育裕妃何以自盡 皇上南郊之日胡貴
人何以無疾而暴卒是 皇上身為天子而三宮列嬪盡寄
性命于忠賢與客氏之喜怒危如朝露能不寒心 上以附


會不問

御史劉朴劾忠賢八罪不聽

太常寺卿胡世賞等劾忠賢不聽

江西道御史楊廷烈言鄒維璉調部同鄉之疏獨相尋不休
止何而傳魁又波及左光斗魏大中且借汪文言為議論矣
乞 皇上簡發諸疏會議從之

寧夏巡撫魏雲中請脩復黃峽宿寇諸口石關三道蓋自時
劉亂後虜乘机毀三關墩臺堡漸頽我兵遂不敢上賀蘭山
我巡在外而虜反內之 上令如議



壬辰南戶部郎中彭遵古為南光祿少卿添註

癸巳午刻南方五色雲見


葉向高等言 皇上誠念魏忠賢當求所以保全之莫若聽其所請且歸私第遠勢避嫌以安中外之心中外之心安則忠賢亦安 上以舉朝闕然殊非國體卿等與廷臣不同宜急調劑釋諸臣之疑

乙未禮部方侍郎李騰芳憂去進禮部尚書

禮部尚書翁正春等請令魏忠賢引退以全旦夕之命劉瑾汪直馮保諸人已明鑒語曰權不可恃威不可逞臣等又

願忠賢之亟自裁也不聽

魏學洵曰大覺既開南北司訛言如沸沐內者曰早朝將面奏沐外者曰宮中事將面鞠頗聞面奏之罪名驚駕則立擒楊公方躊躇不輕發而內已懼之一日早朝群衷甲以出氣息怫然甘露之變在旦夕而一時冢宰所推次輔所擬內又且唯々相奉以求成故諸君子姑緩之鄉使持之益激必面鞠苟面鞠 皇上必袒內不袒外 弱也將起大獄外強也或致急兵縉紳固因之塗炭宮禁亦因之動搖追咎者又未必不憾諸君子之過激也



丙申大雨雹

皇子慈煇薨謚悼懷太子

丁酉傅淑訓為太僕少卿

內官胡進等騎入禁門仍傷守卒命內官責降

吏科給事中陳熙昌以魏忠賢事閣臣宜一力擔當効諸臣

所不及効之忠安可以調停乃局也不聽

戊戌楊應瑞為

將軍都督

總兵官鎮守宣府

工部署郎中萬燦言臣向承乏寶源局目擊銅斤匱乏人言

內官監廢銅器不下數百萬但一移文旦夕可至臣因移文

請發數月不報三月二十八日具疏特請忠賢益怒旋出中

旨何得再請嗟以廢鑄錢令陵工早竣未必非一節之忠

一事之效何專制不發哉臣猶記二月詣陵過香山碧雲寺


見忠賢所營墓彷彿陵寢曾不以營墳墓之急而為先帝

陵寢急于廢銅鑄錢一事斬一引手之勞而不以救萬分燃

眉之急也上怒其狂悖杖之百劑藉燦逮赴午門先被毆

竟卒杖下

協理京營兵部左侍郎朱光祚言馬政一領馬得人一辦官
軍之實一增鑄營分大小印以杜虛冒一車駕司勘合宜留



意一立圍師講芻飲針療之法從之
撫寧侯朱國弼論魏忠賢命間住奪祿三年仍命錦衣衛逮
書奏人及舍人

庚子陳宗契為太常卿高推為少卿


辛丑南太常少卿余啟元致仕進太僕卿

壬寅庶吉士胡尚英補簡討

兵部覆兵科給事中吳弘業條屯設成疏言建昌以五衛八
所扼四十八洞寨之蠻探額軍五萬有餘屯糧五萬有餘內
地協濟糧米十三萬有餘今僅存五千二百餘人欲以禦千

五百里之鳥道其可得乎今留永寧遵義兵萬餘簡精銳戍
越雋亦急則治標之着即以開路銀六萬為餉所薦僉事胡
平表都司陳廷對即留任鎮守建南從之

逮巡城御史林汝翥杖之百削籍時內監傅國興曹進等挾
人劫毆汝翥杖之司禮太監王體乾奏聞旨下汝翥亡去閩
人緹騎百餘以葉向高鄉人索于私第環詢之向高以聞韓
曠等亦言元老無端被辱且汝翥暫避不出亦寧死 皇上
之杖不死中使之毆耳萬無逃理亦不聽亡何汝翥投薊撫
鄧漢以聞仍逮杖之



霍州高時正家生豕二身二目象鼻四耳四乳

甲辰命鴻臚少卿王守謙往闕門勉留孫承宗防邊

乙巳刑科給事中傅櫬奏僉駕帖原有常規增差內官大違
明制萬煥被毆林汝翥不過畏內璫之兇鋒恐不得以正命
死耳內官百十成群執之毆之虧損 聖德莫此為甚 上
命今後駕帖如舊文武官按品級輿騎否即指奏

丙午禁京營冒充官馬從太僕卿黃運泰之言

丁未四川總督朱燮元俘偽都督李遠達等二十五人至京
戊申朱萬春為左通政

刑科都給事中李春燁等請罷魏忠賢并治內臣矯旨逮人
擅毆者不聽

江南大水巡撫應天周起元巡撫浙江王洽俱告災

大學士顧秉謙請按田派米戶田萬畝派糶米千石餘以次
遞降一議改折一留閏稅一准贖罪一減織造下部議
已酉孫之益為太僕少卿

應天府丞桑學夔致仕


庚戌蕭毅中為大理左寺丞涂國鼎為南太常少卿

辛亥封 光廟選侍傅氏為懿妃李氏為康妃

國權

天啟四年

五十四



歐陽調律為太僕少卿張廷拱為大理右寺丞

叙薊遼撫夷功滿桂楊元吉趙率教各進署都督僉事進朱梅副總兵閩守信游擊黃應甲等守備

壬子彭際遇為大理右少卿

吏部主事徐曠行人周鏘主試河南工科給事中熊奮渭兵部主事李繼貞主試山東尚寶司卿姜志禮戶部主事熊師

旦主試山西

七月癸丑朔順天巡撫鄧漢言林汝翥畏罪潛逸慎如萬燦墮命群璫之手 上命逮入杖之

乙卯御史潘雲翼言群璫毆死萬燦有傷國法請正刑


戊午追謚皇次子慈煇為悼懷太子

辛酉大學士葉向高引去 壬戌兩廣提督胡應台言廣州民變以來貴由于私販毆知府程光陽辱及按臣立斬首亂五人乃定

朱光祚為工部尚書總理河道南師仲為南禮部尚書

癸亥御史劉廷佐言 皇上杖燦猶可言也 皇上為忠賢

杖燦不可言也忠賢得旨而杖燦猶可言也今群璫自寓至午門毆斃不可言也




御史李應昇訴萬燦之寃言 祖宗養士二百餘年言觸忤
褫辱身死豈所以作忠而勸士哉夫緘口以待遷厚利也危
言以招戮實禍也身死而天下悲其忠虛名也舍榮妻子肥
身家之計而博此虛名將焉用之况乎傷殘遺體備諸楚毒
以從龍比于九原此魏徵所以不願為忠臣也廷杖重典殊
失士心為左右計則得矣 聖德寧不重傷耶
乙丑南給事中楊棟朝論魏忠賢罪已御史趙應期楊玉珂
交劾之 言曰 言祀典宜明謂閔羽所封三界伏魔
已巳太常寺卿盧大中言祀典宜明謂閔羽所封三界伏魔

大帝神威遠鎮天尊查往牒亡據詢其所自云萬歷甲寅年
中官奉袞冕并神號謂特封者並不牒部今舊典無稽非所
以昭祀事而安神靈也

庚午南太常卿申用懋言其父萬歷時定儲之功
辛未太常卿鄒德泳言申時行同官進揭冊立時行獨上書
言曰昨日之揭臣不與知只此數字時行之罪定矣尚復何
言哉

丁丑南兵部尚書陳道亨右侍郎岳元聲等合言忠賢惡貫
既滿必不可容楊漣疏詞逼真必不可棄此豈盡仇于忠賢



而比昵于楊漣哉先以公聽並觀見忠賢假心小勞恣其大
逆邇來朝政叅差國勢搶攘物力凋耗豈無召類而然乞將
忠賢罪狀即賜處分不聽
辛巳召閣部吏科河南道至乾清宮大殿時上鼻衄諭視
學俟明年行之

八月甲午左都御史孫瑋卒瑋渭南人萬歷丁丑進士遺疏薦
劉一燝鄒元標王紀孫慎行鍾羽正曹于汴文震孟滿朝薦
等乞行錄用贈太保謚忠貞並不敷陪今書典無辭非也
時推楊漣署印不報御史李先春請摠憲簡推召望以給事

中陳良訓疏補摠憲諭取在朝俸深者意戶部尚書李宗延
也故先春及之

太常卿鄒德泳上列朝講筵書規正錄八則


丙申夜月食

戊戌禮科給事中霍守典劾都督李如恩乞恩乘輜之違例
壬寅給事中羅尚志言內廷之留中漸多刺及忠賢

癸卯高攀龍為左都御史

給事中王鳴玉劾葉向高陳長祚

辛亥李維祺為南禮部尚書



九月壬子朔勅各省搜訪志傳脩史館從御史劉芳之請

刑科都給事中李春燁為湖廣右叅政

已未工部尚書陳長祚免

庚申貴州巡按御史傅宗龍奏誅安氏黨陳其愚其愚凶狡多計至是從誅

戊辰督師大學士孫承宗疏救楊漣熊廷弼王化貞求未減遣成又云經撫不可兼設廷弼化貞政兼設之害致兩相牽而不得盡向使任一人以責其成而事不中制人不多言彼一人其何愧之辭至于佟卜年始付臣為招降之用如其事

有可疑臣從軍中法易行耳諭楊鎬等朕姑待以不死佟卜年果係事机再密奏定奪


刑科給事中顧其仁等請誅遼左失事之臣李維翰楊鎬熊

廷弼王化貞

左都御史高攀龍奏劾兩淮巡鹽御史崔呈秀貪污命奪官
勘奏

吏科都給事中魏大中御史陳九疇叅晉撫謝應祥力言其
可用謂郭尚友謀晉撫以啖之也

庚辰馮從吾為工部尚書



十月乙酉曹于汴為南右都御史

已丑戒諭百官勅曰近日蹊徑岐分意見各別愛憎毀譽附和排擠大臣顧惜身名動思引去小臣占風望氣依違自合職業不脩政事荒廢當由紀綱不肅結黨徇私以至於此特戒諭爾務慮深思更私易轍

辛卯河南巡撫程紹遣副使張夢鯨進玉璽云九月乙卯臨漳人邢一奉耕于漳河西得之螭紐方四寸厚三寸重一百十兩篆曰受命于天既壽永昌議告郊廟群臣稱賀頒詔天下賜程紹張夢鯨金幣

壬辰吏科都給事中魏大中御史李應昇劾魏廣徵驕蹇祀太廟不至被糾悻悻疾視諸臣廣徵遂引疾乞休

甲午會議陳九疇奏謝應祥及魏大中夏嘉遇相訐事上以謝應祥于魏大中有師生之雅事屬自欺且云輔翼以門生招議大中欺朕幼冲把持會議夏嘉遇陳九疇互相攻訐成何政體大中九疇嘉遇各降三級調外給事中沈維炳疏救降一級謫之


丁酉吏部尚書趙南星乞休許之

命鴻臚寺官某諭留魏廣徵

國權

天啟四年

五九



己亥左都御史高攀龍罷

辛丑戒諭群臣有元兇已放群小未安之語

壬寅給事中許譽卿等申救趙南星謫之

丙午前大學士朱國祚卒字兆隆浙江秀水人萬歷癸未進士第一官脩撰己丑分校禮闈辛卯歷洗馬丁酉轉左庶子戊戌陞禮部右侍郎壬寅陞吏部左侍郎准養命庚申起南禮部尚書以原官兼東閣大學士進武英殿贈太傅謚文恪申用懋曰易有之鶴鳴而子和師立心中孚音哉斯言蓋至誠未有不動物者格心納牖亦由此道也已三朝鼎革

之際人所難言士大夫俱以意氣相高務名而不務實計身而不計國家孰若朱太傅門可羅雀清芬自遠而名實孚于上下卒先幾完節以去非至誠惡能若是乎及當事變宛轉壘麓聊存國是而于宗社至計不惜讜言以回生聽洵哉仁者之勇矣


己酉吏部右侍郎陳于庭左副都御史楊漣左僉都御史左光斗削籍時推喬允升馮從吾為太宰謂黨庇也吏部郎中張光前御史房可壯袁化中並調外

十一月辛亥朔王天瑞進永寧侯郭振明進博平侯

國權

天啟四年

卒



甲寅責輔臣票擬失當近乞肩輿乞進侯卿槩應如響平章
謂何追念去輔在時或未肯屑越乖舛至此復諭次輔勿坐
視依違

乙卯四川提督朱燮元加兵部尚書毛文龍為左都督

辛酉諭督師大學士孫承宗留鎮關上可急還山海

壬戌以崔景榮為吏部尚書李宗延改吏部尚書署都察院
己巳大學士韓爌引罷乞休允之初葉向高與魏廣徵相左
臨發語朱國楨曰南樂內有所恃咄咄逼人不得不避蒲州
更非其敵必不能久子宜早為歸計卒如其言云

壬申給事中陶宗道言四事慎起居去疑衷慎命名鑒下情
降三級調外以疏有旁蹊借徑語也

諭近例轉各官多不公徐大化孫杰可陞京堂霍維華郭興
治賈繼春楊維垣俱起原官以御史潘士良署河南道許宗
禮為吏科都給事中

上出內帑六千金給宛平大興賑粥


十二月辛巳朔征南將軍黔國公沐昌祚自隆慶三年嗣爵領
鎮五十六年命其孫啟元代鎮

甲申陝西巡撫宋槃奏兩當民變殺知縣牛得用

國權

天啟四年

空



己丑周希聖為南戶部尚書

癸巳雲南巡撫閔洪學言沐鎮莊田臣前疏爭之一時逆料其害奉旨不必遽更今已一年矣駟騷尤甚乞令有司徵收以救此一方民命仍諒鎮徵收嚴戒員役不許生事

丙申御史張訥劾趙南星壞政十罪上命張訥指其事言南御史王允成改北臺綱何在鄒維璉程國祥夏嘉遇調部亦壞成規上是之命俟削籍初訥兄朴營陞巡撫不得故恨南星

禮科給事中李恒茂劾北關貢士周鳳翔王良佐翁兆雲沈

必成康九經劉世科浙人李喬春張應祺江右人黃昂徽人並冒籍宜奪命回原籍後科會試

壬寅大學士朱國禎罷初蘇松兵備朱童蒙薨死告災者民大闕遂引疾國禎擬票允朱延禧擢京堂國禎遂引去刑部尚書俞允升罷


以黃克纘為工部尚書鄭尚友巡撫保定張朴巡撫大同癸卯應天地震如雷

乙巳命史記事李炳恭丁元薦賀煊沈應奎仍照計典草任毛士龍削籍王元翰李邦華開任孫昂相魏大中回籍聽勘

國權


天啟四年


卷二




汪文言仍逮治文言善刻人陰事喋喋可聽早出必夜分始
歸昏夜叩諸貴之門言無不從方得志橫甚舉朝皆震以一
見獎借為榮及逮獄苦拷不承然忠賢已預為著書列所惡
姓名以上人猶稱之曰奇男子云
巡撫應大周起元削籍以疏救同知楊姜悖旨曲庇及前劾
朱童蒙也

汪文言入學士未幾翰林
並有謫其命曰
心為動水
八卷春
去入黃







國家圖書館, NATIONAL CENTRAL LIBRARY, TAIWAN, R.O.C.




國家圖書館, NATIONAL CENTRAL LIBRARY, TAIWAN, R.O.C.





國家圖書館, NATIONAL CENTRAL LIBRARY, TAIWAN, R.O.C.






國家圖書館, NATIONAL CENTRAL LIBRARY, TAIWAN, R.O.C.






國家圖書館, NATIONAL CENTRAL LIBRARY, TAIWAN, R.O.C.







國家圖書館, NATIONAL CENTRAL LIBRARY, TAIWAN, R.O.C.



3397433 v. 50

國家圖書館, NATIONAL CENTRAL LIBRARY, TAIWAN, R.O.C.





國權

天啟六年丙寅

正月乙巳朔周應秋改左都御史岳和聲右僉都御史巡撫順

天賜勅

巳酉故御史方震孺永成

壬子遂外戚新城侯王昇

癸丑陸卿榮為右僉都御史巡撫浙江會憂去未任

工部郎中兼太僕少卿曹欽程削奪官誥所領陵工神木廠



國權

天啟六年

鹽官設遷孺木著



國家圖書館, NATIONAL CENTRAL LIBRARY, TAIWAN, R.O.C.




銀筭訖許歸刑科給事中潘士聞論其不簡敗群也士聞與
欽程同門

設遷曰潘士聞非稱端謹猶以曹氏為不簡敗群則欽程
之穢擢髮難數矣

丙辰工部尚書黃克纘罷克纘年八旬重聽魏忠賢侮之
左副都御史徐大化論提督九門主事呂一奏徐州管倉主
事張璇九江鈔關主事王行儉北新關負外郎馮士杰并請
毀李三才張雲翼毛士龍生祠

工部負外郎劉麟長削奪官誥以奔競也

吏部覆起前遼東招練副使劉國縉以糜帑被論不許
已未諭閣臣曰 皇祖早定元良式端國本父慈子孝原無
間然而奸人王之寀翟鳳翀何士晉魏光緒魏大中張鵬雲
等乃借挺擊以要首功我 皇考因哀得疾純孝彌彰奸人
孫慎行張問達薛文周張慎言周希令沈惟炳等乃借紅丸
以快私怨迨朕纘緒正統相傳奸人楊漣左光斗惠世揚周
朝瑞周嘉謨高攀龍等又借移宮以貪定策之勲而希非望
之福將憑几之遺言委諸草莽以待封之宮眷視若寇讐臣
子之分謂何敬忠之義安在幸天牖朕衷仰承 先志康妃



皇妹恩禮有加凡三案被誣者皆次第賜環布列有位嘉言
罔伏朝政肅清特允部院科道之請命史臣編輯成書倣明
倫大典故事輔臣少師顧秉謙 丁紹軾太子太保黃立
極馮銓為總裁禮部左侍郎施鳳來右侍郎楊景辰詹事姜
逢元 曾楚卿副總裁戶部左侍郎徐紹吉左僉都御
史謝啟元脩撰余煌編脩朱繼祚張紳華琪芳吳孔嘉檢討
吳士元楊世芳纂脩中書舍人喬煒秦之垣李相謄錄擇于
庚午開館名曰三朝要典 庚子尚寶司少卿范鳳翼大理寺丞姜習孔吏科右給事中

孫紹統戶部主事傅梅戶部郎中吳鳴虞並以邪黨削奪官
誥御史曾應瑞論之

薛鳳翔為工部右侍郎提督京營城守軍器起房壯麗工部
右侍郎

戊辰張朴為兵部左侍郎提督宣大山西

失儀削籍

己巳閻鳴泰以原官整飭薊遼邊備巡撫順天


建虜統西虜渡河五六萬騎攻寧遠副使袁崇煥倡提兵滿

桂叅將祖天壽副提兵朱梅等力禦之連發西洋炮相持三

國權

天啟六年

三



日夜敵氣沮退走灰山斬二百六級初虜勢甚張人心惶恐
欲遁自宗煥堅拒氣始振關外九城得屹然拱護山海
永平通判金啟傑用大礮却之因中火毒創死贈山東叅議
子玉振廕錦衣千戶

吏部

夏之令卒于獄

二月丙子御史高弘圖言東事方殷請暫停營建不許李春燁
為兵部左侍郎郭允厚右侍郎時推斬于中閔洪學不允
已卯總督兩廣商周祚言禮部以各省提學閔防篆犯御名
改鑄惟江西山東山西未換今廣東亦應更改從之

御史石三畏削籍以條議輕率薦舉失當

禮科給事中李恒茂削奪官誥以疏悞山西為山東

甲申寧遠獻捷

己丑前太常少卿曾汝召叅政魏士前又前降郝土膏方逢
年章允儒顧錫疇丁乾學熊奮渭李繼貞並削奪官誥土膏
仍追贖南御史徐復陽所劾

惠世揚論死


御史田維嘉違限三月餘削籍

庚寅奪故太常少卿鮑應鰲贈光祿寺卿故太僕少卿陳大

國權

天啟六年

四



綬贈光祿寺卿亦徐復陽疏絕黨根也
廢魏忠賢都督僉事仍宣付史館工部左侍郎崔呈秀言其
觸事懷忠也

辛卯前御史張慎言坐監守自盜永成肅州衛從山西巡撫
柯景之讞

設遷曰曹欽程之誣陷諸君子也俱下詔獄死獨張侍御
就訊撫按或勸其擣椒自隨不之便陽城令擬點成補伍
之日不得家別一觸嚴網殆無人理嗚呼罪疑惟輕侍御
殆不幸中之幸也

逮前御史周宗建左諭德繆昌期

李思誠為禮部尚書董可威為工部尚書畢自嚴為南戶部
尚書張鶴鳴為南工部尚書仍太子太保

癸巳故廣南知府周維翰贈叅政以家人瘴沒撫按請卹
戊戌孫杰為工部右侍郎協理殿門工程


御史倪文煥疏中外諸臣助餉

海運通判吳世科以千金寄弟中書舍人之瑞事發並成之
起許弘綱南兵部尚書

癸卯郭鞏為大理左少卿

國權

天啟六年



是月建虜攻覺華島焚右屯共燬糧七十萬石搃兵楊旗不
救島將姚與賢李士登王錫斧王釐李一葵張其性崔繼臯
徐國蕃金士騏俱敗沒

三月甲辰朔遼東搃兵楊麟削籍山海關主事陳祖苞免工部
左侍郎崔呈秀論麒麟援不前祖苞科索取怨

東廠獲遼人武長春云娶前南禮部郎中洪敷教女月餘女
天繼娶李永芳女入京窺伺遂重論長春實狎伎李鳳兒爭
之見誣敷教後推保定守不許敷教辨其非壻不過以遼官
僅一人祈緩死耳

逮應天巡撫周起元前吏部員外郎周順昌左副都御史高
攀龍御史李應昇黃尊素浙直織造太監李實叅其邪黨貪
婪也實迎魏氏意空奏印入其黨劉若愚草上株及松江知
府張宗衡同知孫應崑


丙午經略兵部尚書高第引疾免
戊申太子太保左都督魏良卿封肅寧伯世襲賜誥券

武長春磔

諭內臣出鎮司禮太監劉應坤鎮守山海關御馬太監陶文
紀用協守御馬監太監孫茂霖武俊王蒞朝分守中軍並駐

國權 天啟六年

六



山海關時閣臣進揭兵部尚書王永光等特疏吏部尚書王
紹徽等公疏止之丁紹軾又再揭 上覽之心動欲寢而首
揆意右內臣工科給事中虞廷陞入內閣工魏忠賢問閣部
云何各相顧未發馮銓曰 上意已決即行何害
庚戌袁崇煥為右僉都御史巡撫遼東山海
廕魏忠賢都督同知時有質蟒幣于外戚王仲良者厥校索
之不得逮械死

辛亥劉志選為順天府丞

己未前左都御史高攀龍卒江南無錫人萬歷己丑進士聞

逮馮遺表因緘囑子世儒事急啟之詔家人寢伺夜整衣冠
投于園池表曰臣雖削奪條舊大臣大臣受辱則辱國故北
向叩頭從屈平之還君恩未報願結來生云云又別友人東
僕得從李元禮范益博遜矣一生學力到此亦得少力心如
太虛學無生死幻質之至戀乎崇禎初贈太子太保兵部尚
書謚忠愍

庚申南戶部右侍郎區大倫應天府尹魏說削奪官誥河南


道御史何早論邢黨漏網也

御史牟志夔請追張問達贓命責十萬助餉

國權

天啟六年

七



給事中升詩教御史李懋芳論之

辛酉蘇州人以周順昌之逮群毆從校李國柱死之官置顏

佩常等五人于法

癸亥王之臣為兵部尚書經略遼東薊鎮天津登萊閩鳴泰

總督薊遼

學士成基命罷以久依門戶也

鄭崇光

周大成罷

汪汝祥

汪

澍削奪官誥從閣臣之請

禮部主事畢自肅為寧前道叅議兵部職方司主事孫元化

替畫

丙寅 姜逢元以呈身門戶也

己巳刑科給事中周洪謨罷以久依門戶也

魏忠賢廢都督同知以捕盜功

四月丙子工部左侍郎崔呈秀兼右僉都御史從御史田景新
之請


應天巡撫毛一鷺巡按江南御史徐吉上言蘇州民變之事
上切責之

兵部右侍郎熊明遇巡撫順天鄧漢考功郎中鄒維璉巡撫

國權

天啟六年

八



宣府徐良彥等並奉旨改戍其右通政司黃龍光着戍極邊
僉妻往

給肅寧伯一萬九千金治第工部尚書董可威為請

己卯命南京守備太監劉敬楊國瑞遣胡良輔劉文耀覈應
天淮揚益運司各庫銀約一百五十餘萬助工

癸未下周宗建繆昌期鎮撫司


甲申孫國禎為太僕少卿

戊子叙寧遠功進顧秉謙太保廕錦衣正千戶丁紹軾黃立
極馮銓少保兼太子太保戶部尚書武英殿大學士廕副千

戶孫承宗改吏部吏尚書廕正千戶魏廣徵副千戶並世襲
魏忠賢廕都指揮使劉應坤正千戶胡良輔紀用陶文百戶
並世襲王承光兼太子太保正千戶袁崇煥進兵部左侍郎
餘官如故廕正千戶並世襲巡閱御史洪如鐘候推京堂總
兵滿桂趙率教進右都督世本衛副千戶

己丑御史劉大受王心一削奪官誥大受違限心一徇情結
勘也

壬辰工科給事中虞廷陞言要典告成請禁天鑒錄諸書點
將錄初終錄同志錄石碣錄偽鑿錄等書從之時太監胡良



輔從子岐山偵事吳興葵奕琛因邀至海寧吳中彥家同嘉
興某成天鑒錄專計東林分注共五百七十人託撫標把總
某致之忠賢行五千金謀召中彥

乙未下李應昇鎮撫司

丙申故光祿寺丞劉光復贈太常卿廕子入監

戊戌太僕少卿史弼削奪官誥以素依門戶也

南御史張繼益削奪官誥下法司追贖大理寺正許志言叅
之也

命撫按逮黃尊素入京初錦衣千戶張應龍文之豹至蘇州

值民變失駕帖而止故有是命自是不遣緹較

庚午文選司負外郎李曰春削奪官誥初顧秉謙引之入餘
不以貨報或曰請俟異日秉謙仰其堂曰我老年須見物安
用此道學語也

大學士丁紹軾卒字文遠安徽貴池人萬歷丁未進士改庶

吉士授檢討戊午福建主考歷贊善諭德庶子少詹事纂修

寶錄加禮部右侍郎乙丑八月陞禮部尚書兼東閣大學士


九月叙門工加太子太保進文淵閣丙寅三月叙提加少保

改戶部尚書進武英殿四月二十三日卒贈太傅

國權

天啟六年

十




五月癸卯左諭德繆昌期卒于獄江南江陰人萬歷癸丑進士
官檢討遷左贊善辛酉主湖廣試程策刺時及楊漣劾魏氏
為竄定奏草又辭魏氏墓碑益見忤罹織益死仍追贈崇禎
初贈詹事謚文貞廕入監

大設遷曰予讀繆當時自序云福唐密揭諷上准忠賢退歸
私寓過加優渥上不失恩意下明其退讓兩得之道也揭
不入大拂內意福唐懼禍言此揭我門生所迫流言應山之
疏出于吾手嗟乎福唐名寬大豈其欲殺我耶不過借以
自解公借福唐以用其殺手者更慘矣辛壬之際應山家

居見官府可異事不勝憤惋癸亥之出托少子于其執友
御老母以行其矢志也固不專為江西事然疏之上也桐
城方贊成之而未几徵于我、答非艸、夫擊內者只爭
呼吸耳一不中而國家隨之况今日內無永外無文襄可
几偉乎桐城默曰以應山留疏上逆知其有今日之事也
皆天也

故左都御史贈太保孫瑋削奪官誥廕陝西巡撫喬應甲劾
其邪臣漏網也

夕鬼火見于正陽門樓上如數百螢火合之如車輪



丙午前給事中毛士龍戍邊僉妻往文選負外郎夏事進城
旦尚寶司卿姜志禮削奪官誥嘉遇江南華亭人萬歷庚戌
進士崇禎初贈太常卿
丁未王恭廠災東自順城門北至刑部街壞民居萬餘區男
婦五百三十餘人蓋火藥驟發也玄武門火神廟守門內局
臣聞樂者音三疊出自廟中見有火毬滾出騰空而去衆皆
屬目俄東城聲如霹靂天地昏黑 上在乾清宮走避建極
殿御座俱傾大殿上墜死者二千餘人凡死傷俱裸露衣服
飄掛西山之樹昌平教場衣服成堆員弘寺街轎中女赤體

無恙石駙馬街石獅飛出順城門外

己酉諭脩省

工部尚書董可威以火災折臂免


大理寺左寺正許志吉禮科右給事中張惟一各訐

辛亥薊州地中掘出二人尚活問之如夢又掘一老人亦活
俱京師飄墮者州離京百八十里

癸丑改御用監外舍為安民廠移貯神器

行人司行人臧吳如改名昇

甲寅兵部尚書王永光言脩省之實如刑獄繫生人命董以



士師申以覆奏誠謹之也今罪囚半歸詔獄追贓即以命
雖其人自不寃而于好生之德毋乃未愜乎甚至秋後與不
時并律囊首與絞斬同斃痛快之事每于天和自今以往輕
重罪囚悉付法司使罹者目覩自作之孽比附者幸邀祝
網之恩罪疑惟輕者或開其滯雪減免之一線罰當其咎者
仍念其子孫父母之無辜肅殺之後繼以陽春此其時矣至
于軍儲告匱土木繁興豈不知生財為急而急土木不如急
軍儲議搜括不如議節省今既搜無可搜括無可括而瑣屑
凌雜盡以入告竊恐焚林竭澤之後能無魚驚鳥散之憂請

自皇極告成暫停工作悉以海內之物力并于軍前之輓輸
寢其屑瑟之誅求益見 聖心之惇大俟疆宇廓清再完堂
構未為遲也

丙辰崔呈秀請停百官俸助工從之

丁巳命外戚張國紀回籍治喪例給祭塋毋妄陳乞

已未納采女陳氏楊氏周氏

辛酉前御史黃尊素下鎮撫司

乙丑閣臣進三朝要典


丙寅朝天宮災

薛鳳翔為工部尚書

國權

天啟六年

十三



葉大受削籍時吏部推職方郎中旨謂其蔽美是非正人
辛未安南故都統使黎維新子維祺遣陪臣阮進用陳偉補
貢萬歷四十五年四十八年入鎮南關之昭德臺拜謁如禮
庚午給肅寧伯地七百頃

是月貴州都指揮使張雲鵬擊安邦彥于趙官堡大敗之初
邦彥率衆渡江魯欽力禦之因乏餉軍飢欽自刎死苗仲後
助逆貴州大震巡撫傅宗龍遣兵攻河沙羅鬼盡俘之定番
青岩白納苗蠻奪氣繼遣雲鵬逆戰四日賊潰歸道路復通
後贈欽少保謚忠勇立祠廕指揮僉事


忠順夫人卒而隆慶四年那吉妻來歸者也以教市故卹禮
如忠順

六月甲申朔天同地震廣昌城頗多妖祟驚人旬日始息靈邱
地裂出黑水又雲南地震如雷

丙子 茅元儀削籍時擬副總兵銜元儀噉文名游孫
承宗募下范濟世為工部右侍郎協理工程

丁丑 皇子慈靈薨謚獻懷太子

壬午諭群臣毋挾縱橫之術熒惑人心自是詔獄諸臣益絕
生望



丁亥詔曰書言堂構詩咏似續朕自臨御以來未嘗不寤寐
深維之也曠列聖相承有宥之宸居迨世宗肇錫皇極
之嘉號爰及神祖運值更新乃物力雖豫于儲胥而垂工
尚稽于制作留厥鉅典昇在朕躬追念先猷敢後經始乃者
藉我宗祊社稷之休既與爾卿士庶民之胥從六府鳩工百
靈受職襄茲崇構還乎舊觀朕用諏于九月二十五日肇稱
殿禮告成祖宗蒞見群后嗚呼役非得已永思志事之遺
君豈求安式副續承之重顧名思義建極敷言俾予一人嗣
有令緒亦爾萬邦之克有成勞也特渙明綸用昭威舉布告


中外咸使聞知

戊子太常少卿韓繼思罷南右都御史喬應甲致仕
前太僕寺卿劉文徵卒雲南人萬歷癸未進士令新都歷南
京鴻臚卿至今官
己丑南御史劉之鳳罷
前吏部文選員外郎周順昌卒于獄江南長洲人萬歷癸丑
進士授福州推官天啟初辛酉擢吏部主事惟圖書一肩而
己壬戌陞員外郎其下獄被拷最英挺不挫故死尤慘崇禎
初贈太常寺卿謚忠介

國權

天啟六年

十五



庚寅三朝要典成大學士顧秉謙黃立極馮銓禮部左右侍郎施鳳來楊景辰詹事孟紹虞曾楚卿戶部左侍郎徐紹吉左僉都御史謝啟元脩撰余煌編脩朱繼祚張翀華琪芳吳孔嘉檢討吳士元楊世芳中書舍人喬燁通政經歷司知事李相共表上御製序曰嗟乎小人之禍人國甚哉指宮闈為攘功之地則翼戴莫出其先誣君父以不美之名則定策肯居其後且事極嘗而故張之踪本查而故文之或十餘年或五六年几成蝸蟻沸羹之世宙藉非皇祖皇考默佑朕衷則真是真非其何結局之有當哉世宗時慮統嗣混而

不得尊其親故其書主于定大統在朕今日慮貞邪清而將不免于誣其親故是書又主于剖大疑令天下萬世覩是書而悟曰前星立矣藩封遣矣即有風癩立付市曹于國本無恙也其無容疑者一鼎湖之悼實慕緣孝篤疾以慕深孰得以一月天子掩其為千秋聖人哉其無容疑者二焚疾其夢此何時也遺言未往封號在心宮自當移寧侯偪而後移其無容疑者三雖朕中興之業不敢望于世宗或庶几可免于戾乎


甲子前

國權

道御史周宗建卒于獄江南吳江人萬歷癸丑

天啟六年

十六




進士自德清仁和令入臺慷慨敢言時諸君子在獄榜掠甚
苦心知其貧橫坐贓入輦楛于庭鞭使入納不應則繫家人
絕索餽夜半許顯純片紙入立報氣厲又戒毋即出往一至
腐骸目不忍視崇禎初贈大僕寺卿謚忠毅蔭子入監

張溥曰歷觀治亂寺人之禍無有大焉者在東漢之季
小臣盈朝破合柱壞家舍發其奸私勢宜哀止一不振而
海內賢人皆殞其手况彼方炙者乎自古外庭與內角不
聞一勝豈盡不密者由其陰賊著心而禁近勢便也周公
踴一奮身以除左右之惡不憚再三欲匡王國而使正公

固不欲免即欲免其可得乎

高汝棻曰壬子之際搢紳盡與婦寺為緣獨公與婦寺為
難此豈恃破柱埋輪之虛言哉義氣所徵意欲清君側之
惡耳正人盡斥逆黨盈朝螳臂當車祇成齏粉矣其居常
之言曰七尺可輕今果枉七尺也七尺輕而名重如山誰
云七尺之徒輕也乎哉

已亥命逮歙縣吳養春養春世以貲雄前與弟養澤爭黃山
巡按駱駁曾奏其半入官旨不下養澤沒蒼頭吳榮得罪脫
入京訐養春私黃山事贓六十餘萬株及富室程夢庚吳君



實等

庚子兵部郎中吳淳大論輔臣馮銓裘馬之習仍在輕浮之
氣未除意欲太奢交游不慎致山人墨客戶履為盈斷梗死
灰望門而至蓋指門客程夢庚與茅元儀輩也御史劉徽陳
輔朝皆糾之朝輔尤剴切


雲南大水

閏六月辛丑朔京師大雨水壞房舍溺人良鄉至城溺武清東
安等縣如之

壬寅浙江巡撫右僉都御史潘汝楨請立魏忠賢生祠許之

初杭州通判唐登樞專織幣先祠之清波門外太監李實隘
之更創于北山規制宏敞囑汝楨祠額時織幣缺額且議採
雲霧山木汝楨意甦民困遂疏聞賜額曰普德官守祠沈堂
錦衣衛百戶

趙維寰曰丙寅以後中外鎮撫諸臣為魏璫建祠其議始
自吾浙潘撫不能力持未為无咎然沈祠成于登唐樞遂
于李實事在乙丑秋冬間而潘撫蒞浙在丙寅四月固風
馬牛不相及也矧意在為民請命與他省之無因獻媚者
絕相遠乃廟堂不深惟本未竟以首倡重處




大學士馮銓免逮監生程夢庚初馮銓與崔呈秀相妬呈秀
伺其賄輒示魏忠賢遂陰遣人入銓家刺其實一日朝罷與
語銓宜少絕吏兵部居間謝無有忠賢曰若極富貴寧少居
三千金耶銓慚甚忠賢退叱田爾耕曰大悞我事此庸人可
作相耶

設遷曰焦芳劉宇之不容于瑾魏廣徵馮銓之不容于忠
賢橫閣顧指轉盼易嚮倖進者猶褰裳濡足以蹈之何也
太常少卿趙興邦罷
前山東道御史黃尊素卒于獄浙江餘姚人萬歷丙辰進士

自寧國推官徵入臺抗直見忌年四十三崇禎初贈太僕卿
予祭葬凡諸公死俱出獄卒葉文仲于後事敗群捶死

劉一燝曰熹廟乙丙之際予安忍言之哉予事先帝

穆然仁主也如水未波自宵人入闕與安貞良擯落別用
一番陰鷲貪戾之夫物情大變諸君子既不能牯牛續豕
于先又不能孚號于後徒以議論折衷墉問鼎之奸此受
禍之所以益烈也國家二百六十年来閣禍三見而誅殺
任意衣冠屠戮怨血生燐未有若今日之甚也振瑾所事
者長君猶思驪龍之寤忠賢挾冲主若朝委裘何所顧忌




諸君子以夾日之苦心而先罹失身之顯禍不亦悲乎卒
之移山有力蹈海無人天子不名群情密附稱功勸進之
章不減新莽而神器屹然天授有德謂非公與諸君子之
浩氣有以默攝之乎
舒曰敬曰魏闔內挾妖蠱外樹羣小蓄異立威故雖天地
告凶而果于誅鋤亦緣諸君子履虎撩蛇弟揚廷即戎是
務而孚號有厲也聞焉獨公超然遠覽欲破方隅以通天
下之志而時無和者未能通志所以致命遂志公復何憾
人所憾者十五人相繼以死國家元氣傷損實多蓋至今

日妖氛蔽地殺氣彌天夫非損傷元氣之徵應乎則忠義
之閔繫世道者大也公祖瓊羅漢末黨禍名節有自來矣
設遷曰黃真長夙志耿亮受螫闔媪昔人所謂耻不與黨
也聞之李實在浙司房黃日新宗附真長日新謹死所以
駕其禍小人不可與作緣江文言黃日新不殿之鑒耶

丁未謝啟光為南兵部右侍郎

戊申前福建道御史李應昇卒于獄江南江陰人萬歷丙辰
進士筮仕南康推官在西臺屢摘權貴崇禎初贈太僕卿弘
光時謚忠毅



吳偉業曰公以始生之氣有力之才早負盛名未歷強仕
雖天地否塞竄逐流離天下猶望以黨禁終聞足竟大用
而橫為奸臣所陷畢命牢戶暴尸道旁眼鼻垂出手足穿
爛獄中裂裳啣血訣及手書自言三十餘歲便作一世人
矣嗟乎當終軍賈誼之年而受陳蕃李固之禍百世而下
讀公傳者未有不為之太息而流涕也

辛亥順天府尹秦聚奎罷

乙卯戶科左給事中周之綱罷以依附邪黨也

戊午下周起元鎮撫司


己未太常寺卿陳宗契罷


癸亥吏部尚書王紹徽免御史袁鯨劾其賍私狼籍也徽實
清介但比暱小人排陷正士卒為同類所攻惜哉

應天巡撫毛一鷺巡按御史徐吉報蘇州亂民顏佩常等五
人正法

戶部左侍郎徐紹吉罷兵部職方郎中鄭履祥及吳殿邦削
奪官誥

丁卯刑部尚書徐兆魁御史溫國奇罷國奇為劉鐸求寬于
兆魁又兆魁脫方震孺也





刑部左侍郎沈演劄籍以司官開報舛錯也

廕魏忠賢都督同知總督薛貞頌其救火之功

廣東廣州府大旱

黔兵攻勻哈諸苗初安邦彥之叛藉其眾數掠清平新添至

是都指揮張雲鵬率兵攻擺沙大寨乘夜襲破之賊遁入箐

會兵復攻高平養古諸寨斬首二千餘級

七月辛未朔江南北大風雨驟涌丈許

御史方大任罪城旦

壬申山海關大雨水

甲子兵部尚書王永光罷仍乘傳入上儀錄中曾思為吏

工部 李廷芳託疾免

周應秋為吏部尚書

己卯房壯麗為左都御史馮嘉會為兵部尚書薛貞為刑部

尚書

蘇茂相為督倉戶部尚書李春燁為戎政兵部尚書

河淮決安逆于駱馬湖灌邳宿等州

壬午王繼曾為尚寶司卿

史孔吉罷以高攀龍邪黨也

國權 天啟六年

三

李起元免以郭允厚代之黃運泰為戶部尚書督餉

丙戌戶部尚書趙彥罷仍乘傳

施鳳來張瑞圖李國樞為禮部尚書兼東閣大學士直閣

丁亥大理右寺丞呂鵬雲罷

壬辰 鄭崇光工部主事徐石麒削奪官誥以鄉師黃

尊素株及也

癸巳命湖廣給滇餉二十五萬金

甲午年志夔為大理少卿陳亂業為大理右寺丞

乙未崔呈秀為工部尚書仍提督大工駱從宇曹思誠為吏

部左右侍郎兵部武庫郎中吳淳夫改職方郎中

董象恒為武庫郎中

劉天錫削奪官誥以周宗建邪黨也

丁酉袁可立魏應嘉為兵部左右侍郎


己亥朱童蒙為右副都御史巡撫延綏

福建總兵俞咨臯議撫海寇楊祿楊策等撫按皆從之自是

賊日熾

八月丙午下劉鐸方景陽等鎮撫司初鐸事白許還任而同獄

外戚李承恩之子端求鐸于御史溫國奇囑刑書徐兆魁事



泄鐸復下獄提督張體乾誣其同道士方景陽咀咒厥臣令
谷應選立逮治之

御史侯恂給事中杜三策劾奪官誥時時例轉科道劉之特

周宗文王會圖杜三策張鵬雲侯恂竟劾恂三策

辛亥郭鞏為兵部右侍郎魏應嘉添設左侍郎

鶴慶姚安地震

癸丑鎮沅石屏州地震

乙卯張體乾進都督同知谷應選參將

庚申南刑部尚書吳崇禮罷

雲南千崖宣撫司火星如月隕聲如炮

壬戌提督兩廣商周祚進紅夷炮十之初萬歷末紅夷船沉
砲已解京三十二尚存其十也


甲子追程夢庚等贖十三萬六千金吳養春六十餘萬其黃
山木價三十餘萬俱助工廕魏忠賢世錦衣指揮使

聶慎行為吏部主事

通政使馬從龍請告勒致仕

丙寅永昌地震

丁卯殺揚州知府劉鐸江西廬陵人萬歷丙辰進士未鐸識



方景陽罹織成獄蓋刑部尚書薛貞意也鐸對辨貞曰今時
圖身之功名何他人為鐸曰一省功名有限千秋清議難逃
貞大恨之崇禎初薛貞抵死贈鐸太僕少卿
高汝棻曰詩辭即真不過語言文字罪耳何至詔獄詔獄
矣而審非其筆旨復原官可以去矣居間閔說何為也惡
得無罪獨怪司刑者讀聖賢書為天子執法臣不能以去
就爭而殺人媚人耶夫殺人何事咀咒何律豈兩造不面
質祇一紙成案忠賢設俎而貞益之薪忠賢操刃而貞授
之柄是何忍也

大理寺副董懋中為南尚寶司丞

戒外戚張國紀省改下徐自強等刑部順天府丞劉志選希
瑞劾國紀恣肆謀陷國紀因撼中宮也意

前登萊巡撫武之望許還里

陳王庭為太常僕少卿彭汝楠為太常少卿

廣西按察副使曹學佺削籍毀其所撰野史

左副都御史劉廷元言三朝要典允稱信史 光廟實錄亟


須裁定 上是之

九月庚午朔吏部郎中周文煥免

國權

天啟六

五



上傳太僕寺卿顧慥久疾家居罷之各官年衰者各宜恬退

南工部右侍郎盧大中罷

癸酉刑科給事中黃承吳剛奪官誥

兵部郎中吳淳夫兼太僕少卿

剛奪 姜雲龍官誥

甲戌大理寺丞余合中罷

丙子曹思誠為吏部左侍郎汪輝仍以左侍郎攝右侍郎兼

侍讀學士

禮部右侍郎錢龍錫通政使倪思輝太僕少卿徐如柯巡撫

福建朱欽相並削奪官誥

趙紱為通政使毛一鷺謝啟光為南兵部右侍郎啟光添設

李逢節為南工部右侍郎

熊廷弼前餉閩外十七萬二千金下撫按錄其家助工以御

史梁夢環清核遠餉也


辛巳通政使韓國藩

須之彥並門戶削奪官誥通

政右叅議楊紹震加通政使呂圖為南右通政

廣西巡按御史王政新罷以疏薦曹學佺也

壬午雲南巡撫閔洪學請優忠勤土司安南長官司沙源進



宣撫司龍在田設為昌明土巡檢司王顯祖設為龍馬土巡
檢司各給印信其吾必奎改襲元謀土縣丞從之
前應天巡撫周起元卒于獄字仲先福建海澄人萬曆辛丑
進士授浮梁知縣鋤強扶善廉威茂著乙巳調繁南昌羨醵
悉置學田葺書院壬子陞湖廣道御史侃、敢言會攻東林
之議起起元敢之丁巳出廣西叅議尋陞太僕少卿轉右僉
都御史巡撫應天丙寅李實特疏誣陷逮入卒崇禎初贈兵
部左侍郎廕監弘光時謚忠惠
甲申王伉為光祿寺卿

庚寅蔣一驄為尚寶司丞


辛卯李待問為右僉都御史巡撫應天

壬辰大學士顧秉謙免進太師廕尚寶司丞行人司行人護
歸秉謙老悖無耻媚事忠賢餘輔效之褒諭益溢

兩淮都轉運使江承爵削籍以剝商抗璫也

刑部左侍郎吳中偉乞休許之進尚書時老臣多湮鬚中偉
獨否

設遷曰吳司寇廉靜人也不可則止既允蹈之而虐敲方
騰箝網彌布如劉鐸之役獄主以薛貞設張釋之徐有功



值此當堅不署案時未聞吳司寇之輟筆也薛竟反坐吳亦遺嗣或難以無知委之天道耶

甲午 上御皇極殿受朝賀諭停刑

章光岳為南太常少卿

蔡獻臣以黨罷

太僕少卿王守謙寺丞霍景齊外使騷駟並免


丁酉

死瀋陽子

立

十月庚子朔魏良卿進肅寧侯世襲賜誥券太監劉應坤紀用巡撫袁崇煥各加廕世襲


孝陵衛指揮李三才請立魏忠賢祠許之賜額溥仁
莽賊偏車里宣慰司直攻上江執宣慰司刀韞猛及子召河
璇而退莽首召霸浪烏罕者昔莽應禮之後曰莽曰緬曰阿
瓦其巢穴曰攞古曰翁陸曰洞吾即緬甸宣慰司去車里六
千餘里莽侵益良府益良求助于車里宣慰司韞猛遣從子
召控章援之故今報復刀韞猛年八十餘急于求解出美女
金幣戰馬餌之莽首知其子召河璇有女召烏岡色絕青獻
之充以他女莽怒來攻巡撫閔洪學奏其事曰西南諸夷其
大者三宣六慰今三宣無恙而六慰安在哉以六慰言其一



緬甸宣慰司即緬也其一車里宣慰司又一日八百一日木
邦一日孟養一日老撾各自雄長犬牙相制嘉靖初緬甸為
孟養所滅其首莽紀歲舉族皆死惟莽瑞體兄弟數人走免
入洞吾因篡洞吾即緬甸宣慰使司借其兵力復仇日漸強
大四面吞併拓地凡萬里嘉靖末滅八百萬歷八年擄孟養
首思過再以十八年逐思過遂滅孟養十年擄木邦再以三
十二年擄罕禧遂滅木邦以嘉靖間破老撾之纜撾掌已失
東偏惟西偏僅存未服屬緬然亦久不通中國六慰既盡勢
將及于三宣為今之計即未能輕開緬衅亟宜聯絡諸夷諸

夷分之則渙而弱合之則聚而強昔緬滅木邦而不能有也
以思禮食其地滅蠻莫而亦不能有也以思線食其地所用
仍天朝印今緬擄車里之首未遠有其地必將更置其夷長
立所愛者而去之而車里之心未帖也諸夷之勢既聯則
車里之衅亦有可乘或不難相機而取事也得旨緬衅豈可
輕開聯絡諸夷隨宜處置不必罷敝中國從事荒徼

設遷曰阿瓦車里之構禍自萬歷四十四年車里被兵曾
未請救瓦兵一至棄寨而奔至泥首受縛蓋車里在嘉靖
間兵敗于緬已折而入緬故有大小車里之號以大車里



應緬小車里應漢閩中丞請問罪于緬亦不過建白塞責
耳果爾興師去滇八千里則又李宓南詔之覆轍也

壬寅南御史徐復陽劾奪官誥以居官賄聞也

癸卯左都御史房壯麗予告

甲辰錦衣衛都督同知徐奉高都指揮僉事沈光裕劾奪官
誥以奉高門戶光裕素惡也

丙午以皇極殿功肅寧侯魏良卿進寧國公世襲給誥券賜
田三百頃歲祿二千五百石

壬子工部員外郎鮑思忠乞恩加陞不允

豐城侯李永祚請內臣出鎮登萊監督軍餉

叙殿功忠賢廕都督同知賜金五十幣四王體乾梁棟石元

雅涂文輔李寶劉應坤李永貞俱錦衣指揮僉事世襲金同

幣三餘劉忠等百戶尚書周應秋李思誠薛貞房壯麗馮嘉


會閔鳴泰李春燁郭允厚薛鳳翔俱太子太保嘉會廕錦衣

指揮僉事鳴泰仍總督春燁仍協理京營允厚鳳翔廕入監

俱賜金三十幣二崔呈秀為太子太保左都御史世廕錦衣


指揮僉事仍監督工程賜金五十幣三工部尚書董可威侍

郎李康先加二品服駱從宇劉遵憲袁可立俱賜金三十幣




二徐大化孫杰為工部尚書署左侍郎范濟世實授賜金幣
如前 張繼美 吳汝胤駙馬都尉侯拱辰惠安
伯張慶臻 陳偉 劉天錫 費天澤俱賜
金四十幣二 傅應星李誠銘進太子太傅金幣如上
魏士望為都督僉事李國貞馬允升鄭源鄭其心吳自勉王
承恩李嘉訓張體乾郭欽俱賜金三十幣一李文烈王家賓
管鳴珂張承祿等各賜金十楊夢寰為工部尚書仍督工程
俱賜金二十幣二郭興言陳維新楊文岳王夢尹楊維新楊
所脩陳胤叢郭興治張惟一設國章陸文獻霍維華蘇兆先

潘士聞虞廷陞趙胤昌何廷樞何可及王拱張樞陳朝輔梁
炳邢紹德袁鯨王時英曾應瑞等俱各賜金三十幣二邱履
嘉黃鳴俊喬若旻吳淳夫張爾嘉甯之翰田言吉董象恒張
著銘鄒忠胤朱本吳蔣觀等俱各進一級賜金十五單明詡
張文郁改京堂賜金如上李養德加服俸二級各金二十呂
濬許以原官致仕何宗聖陳殿袁燠馮運泰湯齊楊維和俱
各進二級改京堂賜金十五周廸吳國貞曾國貞馬維陞田
大本吳炳劉有慧鮑國忠許觀吉朱國盛徐四岳范珍陸懷
玉周鳳岐蔣友筠葉憲祖俱各進二級賜金十五嵇相琦陸



時選俱賜金十郭守仁為光祿寺卿賜金三十徐應選杜大
盈各為光祿少卿賜金十五齊光祖張三綱張凌雲陳大同
吳師禹俱進一級賜金一馬斯征于光燁李應龍俱賜金十
張景杲楊齊芳王四維等俱紀錄
田爾耕詹錦衣衛正千戶世襲金四十幣三許 吳堯年
鄭士毅許顯純張元孫李大壽于日升俱進一級金三十幣
二楊寰孫雲鶴各都督崔應元 加都督同知仍北鎮
撫司理刑原詹指揮僉事世襲孫世卿進南鎮撫司僉書劉
應治等百四十六人各進一級

張承爵為光祿少卿楊 洪周國各改尚寶司少卿王猶龍
改光祿少卿各加從三品服邵德樹為禮部郎中袁承恩唐
思忠各負外郎周承禹主事黃繼光為大理左寺副楊振龍
加正六品俸原抱奇于繼鯨朱國詔各大理左寺副李 唐
虞際沈廷松大理左評事顧名遠文華殿中書舍人
邵輔忠進一級金二十幣一姚宗文許宗禮阮大鍼原思誠
劉廷元羅尚忠馮三元各進一級金幣同餘各有差
乙卯諭東林奸徒未盡或流言蜚書令廠衛城捕緝之
葛寅亮為南尚寶司卿



賜魏忠賢田千頃加祿五千石

丁巳

張之郁葉憲祖進太僕少卿仍舊任


潘達以熊廷弼黨削籍

順天府丞劉志選叅外戚張國紀怙惡不悛有云外家輯睦則國母之壺德弥光戚畹譎張即 聖主之優容亦過恐區區習禮省愆未弭官方之謗而塞道路之口甚至訾及于丹山之穴蓋田之種者此又臣之所不敢深言也 上責國紀洗心滌慮毋自取罪

設遷曰閹媪方張蔑視我 后思閉長門之影造紉扇之

怨劉京兆指望而投彌天設罟果如其意豈止三聖構隙令萱蠱聰也已耶京兆于 神廟時翼儲抗議晚極狂悖此曹子立名非真終自敗露也已未兩廣提督何士晉太常少卿程添各下撫按追贖給事中沈惟炳削奪官誥驗封主事程良籌以註之子除名永不叙蓋直隸巡按御史梁夢環論之

高汝棡曰逆璫竊柄報復之害至父子兄弟戚友橫加被累如因程註及程良籌因孫居相及孫鼎相因楊漣及楊金通因魏允中及魏光緒因劉鐸及劉垂寶因李應昇及



張捷因周起元及張廷拱因張光前及張雲鵬因劉大受
及王心一此類未可枚舉其禍蔓愈廣令人莫可控揣嗟
乎舍軍國之大計而脩同姓之小嫌以有用之精神而報
無端之恩怨國家何賴有此臣子哉

兵部左侍郎魏應嘉罷

壬戌范景文為太常寺少卿提督四夷館添註郭興治陳王
庭賈毓祥並為太常寺卿少仍舊任給事中周用賓彭汝楠
御史王夢尹王業浩等俱削奪官誥時吏部叙錄殿功分別
邪正

曹思誠以戶部尚書仍署吏部左侍郎事馮三元為左副都
御史邵輔忠進兵部尚書劉廷元進左都御史單明詡進太
僕少卿並仍舊任其

沈應明

周汝弼削奪官

誥巡按陝西御史王大年舉劾方面也


丙寅徽州知府石萬程削奪官誥以託疾故

給寧國公田千頃并前田共二千頃

陝西叅政王則古

竺繼良坐門戶削奪官誥

朝鮮國王李倬奏調助兵食且訴其困有旨覽王奏忠貞之
忱得于言表朕甚嘉之鎮軍久懸遠兵難處徵王言朕不坐



照萬里之外乎雖然朕亦非愛王之國而不攻也毛帥在中
朝牽制之若在王國亦唇齒之形海上留輓既近該部區畫
刻期接濟赴難遼民或鎮此可籍或別島可分或內地可徙
俾毋重為王累併力洽心王亦重勉之

期

王行百里豈半九十乎所開尹文等事傳訛之言不足介意
朕注念屬國當不減王之傾心于朕也

禮部郎中洪敷教罷時推保寧知府以武長春故免之

十一月庚午朔工部尚書薛鳳翔請寧國公第價除前一萬九
千金外宜三萬五千二百八十一金

丁丑叙孝陵功廕廠臣錦衣指揮僉事世襲王體乾梁棟李
永貞石元雅涂文輔各副千戶南太監劉敬楊國瑞胡良輔
副千戶王可進劉文耀李承恩楊奎各百戶南工部尚書張
鳴鶴廕子入監餘賜金幣
給事中張鵬雲削奪官誥以門戶也

已卯南戶部尚書畢自嚴兵部尚書許弘綱罷

趙士煥免

以緝礦賊廕廠臣錦衣指揮同知


壬午

韓于宣削奪官誥以違限又門戶也

國權

天啟六年

三五



馮時行為太僕少卿轄西路

癸未南右都御史朱一桂劾免

以山海關工竣廕廠臣錦衣指揮同知劉應坤正千戶紀用

陶文副千戶孫茂霖武俊王溢朝楊朝百戶各世襲

乙酉卯刻南京地震

丙戌廕廠臣錦衣指揮使陶文正千戶楊朝副千戶世襲以

脩喜峰口功

田吉為太常少卿仍署兵部職方司員外郎

己丑右副都御史郭尚賓劾奪官誥時推刑部左侍郎

廕魏忠賢錦衣衛都指揮同知初以順天巡撫劉詔疏防秋也

辛卯劉廷元為南兵部尚書

兵部左侍郎袁可立進尚書致仕

壬辰田仰為尚寶司卿

禮部右侍郎唐大章左諭德劉鴻訓國子司業劉鍾英並劾

奪官誥以門戶也


特命太監葛九思鎮守宣大山西張守成李應江副之田奉

張大興為中軍各駐鎮城清軍核餉

甲午寧夏地震

國權 天啟六年

三



陝西道御史高弘圖罷以託疾規避也

乙未順天府尹李春茂報賑飢云 皇上施行于前殿臣繼踵于後


叙甘肅功蔭魏忠賢錦衣指揮使王體乾梁棟李永貞石元雅涂文輔李實劉應坤各指揮僉事世襲
進黃立極兼少傅兼太子太傅吏部尚書建極殿大學士蔭錦衣指揮使世襲賜金五十幣二坐蟒衣一施鳳來李國楷張瑞圖並少保兼太子太保戶部尚書武英殿大學士蔭指揮僉事金四十幣二

李宗延賜金三十幣二董漢儒趙彥進太子太保金三十幣二蔭錦衣正千戶世襲王在晉太子少保金幣同馮嘉會太子太傅蔭錦衣指揮僉事世襲金四十飛魚服一袁可立邵輔忠金三十幣二朱童蒙霍鏌劉其忠各金五郭興治金十五李魯生蔣國觀袁玉佩各金十吳淳夫金十五張爾嘉耿如杞董承詔郭世隆廖起燾各進一級金十五其署印見任各加金十田吉甯之翰各金十劉永昌等同李起元進太子太傅世錦衣指揮僉事金四十緋蟒衣一李從心太子太保世錦衣正千戶金四十飛魚服一總兵董繼舒進都督同知

國權

天啟六年

三



世本衛副千戶金二十郭之寧錄用金同曹司收進俸一級
吏部紀錄餘賚叙有差

丁酉直隸巡撫御史梁克順以門戶削奪官誥

浙江布政使左叅議戴君恩加大僕少卿

御史李應魁免以巡城時賄聞

諭褒魏忠賢宣勞潛郎不言丙吉之舊恩戮力中樞式啟周

宣之新運特賜羊酒銀幣仍宣史館嗚呼四星帝座參元象

于三台六典周官重吉士于內尹

戊戌游士任楊嘉祥房可壯並侵帑各

下撫按訊之勒期追贓以御史張汝懋論之

江西布政使真憲時以楊漣薦削奪官誥

楊邦憲為左都御史巡撫江西


安邦彥攻白納司官軍擊敗之諸將分道出戰出有功


十二月己亥朔寧國公府成命工部尚書徐大化落之

庚子類奏緝獲功廢魏忠賢錦衣指揮使楊寰孫雲鶴進太

子太保

壬寅後府經歷張沐下鎮撫司英國公張維賢論其貪酷蠹
政也沒多吏議宜枰後亦議邱如清論何





丁未吳淳夫為右副都御史
揚州知府朱大典罷時推四川副使謂久依門戶也

戶部主事詹以晉削籍

庚戌張惟任勒致仕大理寺丞彭惟城削奪官誥謂

久依門戶也

辛亥大理寺卿董光弘應天府尹祝以幽
陸夢祖

歸子顧各請老許之進工部右侍郎

以緝盜功廢魏忠賢錦衣衛指揮同知

壬子逮前刑部右侍郎王之寀以順天府丞劉志選劾之

遼東巡撫袁崇煥遣西番喇嘛僧弔建虜于瀋陽以建虜方

金明溫台什至獻貂參銀鞍事聞有旨驕則速遣之馴則徐

間之無厭之求慎毋輕許有倫之跡須使明知嚴婉互用操

縱並施勿挑其怒勿墮其狡
巡城御史門克新緝吳人顧同寅孫文身下法司熊廷弼嘗

贈同寅玉帶同寅私祠廷弼陳帶而哭文身有弔廷弼詩又

誹謗論一首
已未吳淳夫為工部右侍郎吳應琦為大理卿高周祚為南

工部尚書

國權

天啟六年

三九

寧夏不空寺地震山崩

壬戌御史馬鳴世削奪官誥以邪黨也

南京太監劉敬請祠魏忠賢賜額崇勲

癸亥起丁啟濟南太僕寺卿過庭訓為應天府丞


削奪


徐天衢官誥以久依門戶也

交首莫敬寬襲歸順州初歸順土官岑大倫與敬寬結盟締
好因黎維祺侵之敬寬竄歸順乘敗縛寬送維祺遂執寬妻
收所有後莫首脫歸遂襲歸順挾州印擄倫及子繼紀繼綱
繼常而去

丙寅許給雲州歸化三泊南寧河陽元謀各儒學印

時撫臣宣諭莫首獻印留綱常為質歸繼紀途殞又詭遣常
還常乳父韋登欲常永襲許賂莫殺綱以絕爭端莫首聞常
已襲索賂登意綱已死背之莫首後寇歸順





國家圖書館, NATIONAL CENTRAL LIBRARY, TAIWAN, R.O.C.

國權

正月辛未逮山西懷來道右布政邱志充至下鎮撫獄以餉金三千託太醫院吏目王家棟營京堂東廠跡之論死

天啟七年丁卯

壬申先是論兵部新陞薊鎮西協副總兵崔凝秀進府銜還

府今多事不宜紛更盧抱忠仍西協副總兵改王維城南京

北教場至是兵部奏上竟進抱忠總兵銜仍西協副總兵事

王維城貪怯削籍崔凝秀如議


王維城貪怯削籍崔凝秀如議

天啟七年

國權

天啟七年

一



應天府丞過庭訓為府尹

錦衣衛指揮同知沈嘉慶為南鎮撫司僉書

癸酉兵部言三王之國順天尹李春茂徵車四千四百四十

三輛役八千四百九十六人量借同金萬有五千餘令尹自

借上命同寺給二萬勅治中潘寧馳會各道議之

甲戌上親享太廟給山海太監紀用勅草

命南直撫按入吳養春贓六十萬

諭內閣以司禮太監冷文輔總督太常銀庫節慎庫太監崔

文昇李明道總督漕運疏通河道覈京通等倉

乙亥特傳太常寺昨享太廟捧爵執事官躡矩白鞋殊褻令

核上

給順天尹李春茂萬金助藩費

丙子刑科給事中杜齊芳削籍以門戶也

鎮撫司以邱志充獄上坐贓九千金有奇廕魏忠賢錦衣衛

指揮使勅勞金幣

鳳陽署戶李春光等請立魏忠賢祠賜額懷仁


丁丑御史何廷樞巡撫應天汪裕巡按宣府

戊寅詹事蕭命官推南禮部右侍郎坐門戶削奪官誥

國權

天啟七年

二



禮部尚書駱從宇罷吏部左侍郎汪輝削奪官誥時從宇推
禮部尚書輝次之

殺大倉黜生孫文豸崑山監生顧同寅

兵部尚書王永光檄各班軍脩山海四城 上以邊地早寒

令秋班與春班偕至便工作

己卯光祿少卿倫肇脩為大理右少卿

削奪黨人大理右少卿陳亂叢

汪康謠

魏忠賢以賜第餘金脩山海寧遠城世錦衣指揮使

湖廣黃陂諸生熊于宣欲奪袁二婦龐氏先殺幼女自刎

命立坊旌之

南鴻臚卿張崇禮為南通政使

御史智鋌言遼東督撫王之臣袁崇煥以喇嘛一行執意各

忤國家不堪再悞不若調王之臣于密雲專禦西虜調閩鳴


泰于閩門責之禦東虜下部議

巡按雲南御史朱泰禎雲南巡撫閔洪學奏雲州歸化三泊

南寧河陽元謀宜立儒學給印下禮部

辛巳夜月犯軒轅大星

勅後府吏戶禮兵部曰朕弟信王年已長其歲祿萬石今在




京歲支米三千石鈔萬貫待之國米全支如會典選王府官
今在京先給校尉三百軍一百
壬午勅戶部給三王儀衛群牧等官及校尉軍士俸廩工部
給居費
仍設孟河欽提官
甘肅巡^撫王家楨上言松虜銀互近犯鎮番酋長三見台吉創
死遂糾套虜土巴台吉分犯威勝堡諸處提兵徐永壽率鎮
番副提兵官王維賢西協副提兵陳洪範涼州副提兵各率
兵分禦之共斬一百六十三級虜決旬始遁事下兵部

癸未大學士黃立極等議覆提督王之臣巡撫袁崇煥仍如
故使

甲申諭刑部前嘉峰口差官楊所見盜市貢馬與參將馬士
麟無預司官不奉旨私訊其奏上

諭兵部傳毛文龍整兵搗虜巢為閩寧後勅

雲南巡撫閔洪學巡按朱泰楨類報災異定邊縣大水鶴慶
鎮沅姚安石屏雲龍俱地震千崖宣撫司隕星
閩洪學言土司沙源龍在田王顯祖吾必奎力戰五年沙源
繫安南長官司今擬陞宣撫司龍在田王顯祖繫土舍擬即




昌明龍馬槽寨二地設土巡檢各頒印吾必奎奉元謀停襲
之土知縣今擬世襲土縣丞從之
乙酉建虜數萬騎襲朝鮮義州陷之殺節制使李莞等已至
定州安州殺防禦使金凌等平壤黃州不戰而潰朝鮮國王
李倮走孤島
丙戌京師地震
戊子盜殺桃源知縣管九功掠庫獄典史林天相僅以身免
兵部覆山海太監劉應坤兄應乾原廕錦衣指揮使進都督
同知中府帶俸

工部尚書薛鳳翔言工部郎中徐必徵稱南京搜大內廢銅
鑄三千五百萬錢給工廠臣魏忠賢輸資五千金市銅鑄錢
上善之

廣西潯州盜殺守備蔡文龍
庚寅信王辭景府田租六千三百餘金命以汝王福王遺租
給之

類叙三年捕獲功魏忠賢世錦衣指揮使提督張體乾右都
督郭欽左都督副總兵王家賓游擊王文烈等各陞賞有差
太常少卿田吉進太僕卿仍職方任事兵部郎中董象恒進



太常卿

兵部尚書馮嘉會覆山東登萊巡撫李嵩連雲島之捷島在
覺華島之左距三岔河四百二十餘里建虜屯而作舟于此
官兵夜襲盡焚其營斬一百十九級命進李嵩及道臣岳駿
聲一級提兵楊國棟再進一級
辛卯太常少卿王志道為右通政削奪光祿少卿王伉官誥
以黨故

免潼關咸陽等權稅從陝西巡按御史莊祖謙之請
吏部尚書周應秋奏覆前脩撰文震孟編脩陳仁錫及庶吉

士鄭鄮以孫文身等株累奉旨並削奪官誥因誦厥臣
功德報可

趣前兩淮巡監御史徐縉芳贖四萬四千餘金助工
壬辰福建左布政黃景章為南光祿寺卿尚寶司卿王繼曾
為大理左少卿
詹事李孫宸為南禮部右侍郎陪推詹事曾楚卿削奪官誥
以出張鷲門


御史吳尚默巡青御史劉重慶罷以楊漣黨也

朶顏等衛夷人危正打喇罕等八十三人貢馬

國權

天啟七年

六



巡漕御史何可及言漕事一剝運放空船一留津速空船一

委官催空船得旨申飭剝運餘下部

癸巳尚寶司丞蔣一驄為光祿少卿

甲午南禮部尚書來宗道調禮部尚書兼學士南工部右侍郎李逢節改為兵部右侍郎兼右僉都御史總督兩廣軍務

兼廣東巡撫

遼東巡撫袁崇煥上言建虜使金方納溫台什等九人來款詰其起居則云獵耳乘便劫掠西虜決不敢擅入寧前又投漢文夷稟將向時皇帝改汗字如虎墩之請而仍彼名號因

還其書而留其來自暫放一二虜酋歸令易天聰年號遵正

朔方與代奏上報之曰

聽信非易侵地當輸令


還叛人今獻不止去僭號正朔一紙夷書數字改換便可釋

憾銷疑也

丙申左中允林釭為左諭德兼侍講署國子監司業

前通政使馬從龍為尚寶司卿

大理右寺正許志吉往淮揚同撫按籍吳養春引鹽貨產志吉初請遣廉幹者任之即命焉以故相許國孫嚴逮鄉人無不切齒



山東巡撫李精白奏言三王道費乞如福王之例支庫金八萬八千兩米六萬石 上以時詘視順天府酌裁天津巡撫黃運泰上言福王往例實支庫金一萬七千九百餘兩米止二萬六千六百六十餘石今三王並封支應倍其二乞准留七年馬價五萬三千金發天津倉米七萬九千石 上不許仍如順天例
應天巡按御史毛一鷺王拱立魏忠賢祠于蘇州之虎邱山宣大總督張樸巡撫秦士文巡按張養素等各報立魏忠賢生祠 上善之

福建駙傅道副使蔣英削奪官誥謂久依門戶也 今奉
刑部尚書薛貞覆前甘肅巡撫李若星以賂趙南星開府擬成從之仍下撫按杖之百

二月戊戌朔祭太社太稷遣成國公張惟賢


故南刑部尚書吳崇禮贈太子太保廕監
倉場總督蘇茂相言津撫黃運泰暫借凍糧以帶運抵補許之第帶運遠糧例不尖耗而漕額每石耗七升尖四升二合今津門截漕尖耗共足十五萬 上如其議

署禮部左侍郎李康先言親王就國一辭陵一辭奉先殿一

國權

天啟七年

八



沿途禮儀一到國儀注惟辭陵重疲昌平民准令三王同謁
少寓節省從之

削奪行人司正李徵儀以首薦夏嘉遇也

巡按浙江御史劉之待役竣引疾命削奪官誥

已亥寧夏各衛自正月來地震百餘壞城郭廬舍傷人止美

民多露宿

進田吉太僕少卿領職方司如故

督師兵部尚書王之臣引疾去不許加太子太保還部

遼東巡撫袁崇煥以去年虧餉七萬餘石軍士告飢今天津

餉臣所截凍糧求速給

庚子信王由檢婚 妃周氏

登萊總兵都督同知楊國棟進右都督

前兵部尚書董漢儒世錦衣正千戶

御史梁夢環誣外戚張國紀草管人命魚肉細民擅收皇稅

強取民房前府臣劉志選疏謂謀納宮婢又有嘗及于丹山

之穴藍田之種等語有旨切責國紀令回原籍省愆保全終


始毋貽後悔

南戶部右侍郎林宰予告進左侍郎

國權

天啟七年

九




鎮守宣府太監葛九思劾撫賞所市段匹官蕭文中唐嘉瑞
曹宗洪乾沒帑金段疋濫惡致失夷心命下鎮撫司

司禮太監王體乾等言進封 皇貴妃冊封容妃等寧德長
公主遂平長公主信王各婚禮三王之國共金百四十餘萬
且承運庫御用監各一分奉殿臣樽節樂蠲 上善之贍錦
衣指揮使金八十幣六鈔五千貫羊酒仍賜勅

壬寅廷臣謁信王稱賀
祭酒馬之騏為詹事編修孔貞運為左中允直日講
遼東巡撫袁崇煥乞終制襄葬不允

癸卯 上視朝見大漢將軍前列者衣甲鮮整其後敝服白
襪失侍衛體已責襄城伯李守錡仍宥之
信王妃謁太廟

大學士黃立極等言今日聖諭進王之臣于中樞閤鳴泰坐
鎮薊門策應閣上袁崇煥防禦寧遠以調度榆關真土伯亞
旅之相使又何患于建夷哉然臣竊有感也廠臣魏忠賢天
蓋報國殫赤籌邊克付 皇上之託內鎮諸臣策勵綢繆又
善體廠臣之心中外臣子何獨不協心并力以釋聖明東顧
之憂乎



兵部尚書馮嘉會子暎 廢錦衣指揮僉事世襲

工部計蘆溝橋石隄十一萬六千三百五十九金命部給五萬餘俟內府

甲辰山海城濠告竣進總督王之臣閔鳴泰太子太傅巡撫袁崇煥進從二品服俸劉詔從三品服俸並賜金三十幣一道臣王應豸張春並進右叅政畢自肅副使並十金總兵趙率敬潘桂並進一級賜金二十

中書舍人朱慎盜捐金助工 上善之

總督薊遼閔鳴泰順天巡撫劉詔巡按倪文煥各頒魏忠賢


捐資撫軍發粟助賑請祠于景惠山報可

上念惠王新蒞荆郢支庶偏處事權不一特予勅九朝賀表箋封婚等悉啟王類進

諭遣總督登津鎮守海外便宜行事御馬太監胡良輔提督登津副鎮守海外御馬太監苗成中軍御馬太監金捷郭尚禮俱駐皮島與毛文龍協議給帑金五萬紵二百布四百及炮甲等

夜月犯井宿東北第三星

丙午鑄御馬監天師庵署場內臣之章




再叙寧遠等脩城功魏忠賢蔭錦衣指揮使賜金五十綵幣
四鎮守太監劉應坤紀用陶文並蔭錦衣指揮僉事賜金三
十幣二孫茂霖武俊蔭錦衣正千戶賜金二十幣一督餉尚
書黃運泰進太子太保賜金三十幣二道臣畢自肅進一級
賜金二十都司沈承訓等加級陞補
兵部主事孫元化謀贖畫坐免

四川巡撫尹同臯言去年九月勅到遣叅將楊明輝齎入水
西示安位等如翻然悔悟擒斬首惡其餘脅從盡行赦宥被
安邦彥殺之邦彥已渡鴨池距威清二十餘里下營又報奢

崇明聯絡諸苗執不就悔撫惟當聚餉練兵而兵非數十萬
不餉非百餘萬不可在督臣自有碩畫臣惟厲兵秣馬聽
督臣指揮耳下兵部

四川巡撫尹同臯又言陝西流盜由保寧入川蹂躪廣元神
宣之間天啟六年八月神宣指揮吳三桂禦之斬三級一係
賊魁十二月又從眉林溝入犯守備王虎等禦之斬紀守恩
等十二人追至寧羗界秦蜀兩道事權宜兼制乞勅陝西各
道府多方緝捕從之同臯又言松潘龍安番獠不時出沒火
虜擁衆犯邊雖經大創不可不備八月間賊番數百從黑谷



山突出建武游擊調守松龍孔全斌率官兵拒殺數人十月
間全斌又殺傷數十人十二月犯小河我兵禦卻之今火虜
云報仇夫小河要地游擊冉天胤已援黔乞即調全斌小河
游擊以建武游擊潘之玉補之報可王氣言雲云傳張官恩
福餘等衛夷人都指揮使打都等遣頭目阿伯禿等七十三
人貢馬
削奪南兵科給事中楊朝棟以久依門戶也
廣東倖中貢士莫大猷削奪房考劉軒孺先鐫二級下
撫綏訊其弊實

丁未大學士施鳳來釋奠太學

御史趙胤昌巡按福建削奪陪推御史陳以瑞以門戶故

戊申賜魏良卿肩輿

己酉上始御經筵

庚戌戶部郎中朱明時主事馬斯作為瑞府長史國子監丞

孔元德學錄韓世恩為審理中書舍人王胤永陳可信為紀


善刑部郎中陳沃心主事李建和為惠府長史國子監丞徐

鴻起學錄王瑞為審理中書舍人吳士儁朱日臨為紀善錄

工部郎中蔣友筠主事沈立義為桂府長史國子學錄沈德

國權 天啟七年

十三



先母忠為審理中書舍人何廷玉王昌胤為紀善

貴州巡撫王璠為南戶部右侍郎摠督糧儲兼右僉都御史
陪推南京操江右僉都御史胡東漸勒免

通政使趙紱山西巡撫曹爾禎為兵部右侍郎戶部右侍郎
張曉改左侍郎陝西巡撫張維樞為南工部右侍郎

刑部左侍郎潘濬為南刑部尚書陪推兵部左侍郎王之采
勒免

建薊州兵備道胡士容以赴任擾駟也并諭兵部檄通州良
鄉上其役騎之數士容至下鎮撫司

辛亥命漕艘避王舟餘分行兩所以急輸論什槁也

山東右布政岳駿聲為光祿寺卿

登萊巡撫李嵩報建虜已抵三岔河東所揚鞭則向東門鼓
柁則通海路業分水師道之報聞

壬子兵部尚書馮嘉會言督師王之臣報建虜攻克艾州昌
城又往鉄山鉄山毛文龍所居乘其孤而攻之業檄登撫航


海策應又命餉臣補餉七萬石國家羈縻西虜以捍建虜

逮遵化道副使耿如杞以順天巡撫劉詔論其舉動乖張官
箴盡壞也詔行部肅寧至魏忠賢家祠拜謁如臣禮稱九千

國權

天啟七年

五



九百歲因別立祠喜峰口如杞不往被糾時文書官李守質
等傳內閣裁遵化道黃立極等言未易裁即如杞之罪願少
酌處俾代者任封疆之寄也如杞竟坐贓六千三百金論辟
登城知縣張斗耀比糧被殺
甲寅工科給事中顧其仁御史周邦基吳姓梁元柱謝奇舉
吏部員外郎張其寶並例轉削籍以久依門戶故也
丙辰瑞王惠王桂王同辭諸陵
代世子昂渭嗣代王封代王妃郭氏支祿如親王先是代康
王自新寧王進封禮部以宗藩條例仍支本祿故特給焉

免江南海州桃源田租十之五徐邳泗臨淮清河宿遷睢寧
十之三秦虹碭山盱眙五河蒙城潁上靈璧鳳陽興化鹽城
秦興十之二並災異議折

宣大總督張朴大同巡撫王點宣大巡按張養素各頌魏忠
賢功請祠于大同從之

督師王之臣言關城東去中前所三十五里東北去鉄場堡
三十里折而南去可十餘里則一片石邊口也若兩地再拓
屯以重兵則我有負隅之勢東南至海亦三十餘里有芝麻
灣糧運所泊宜築城與中前鉄場鼎足並峙選山海騎卒各

